

河南通志

河南通志

河南通志卷之九

城池

周官掌固掌脩城郭溝池樹渠之固若有山川則因之渠邱不備左氏所以垂戒也豫當四達之地爲大河所經匪特防寇兼且防河歷代以還遷徙靡寧隄防是亟至明季遭闖禍會城淪陷寇患與河患且交併焉

本廟臨制區夏四海無雞鳴犬吠之警而

廟堂猶切切焉飭守土諸吏崇墉浚隍脩堰築壩俾民自首不見兵革之事與潰決之患茲惟仁哉志城池

開封府

祥符縣附郭

開封府城卽省城也唐德宗建中二年節度使李勉
創建明洪武元年始內外甃以甃石設宣武衛守之
周圍二十里一百九十步高三丈五尺廣二丈一尺
地寬一丈濶五丈門五東曰麗景南曰南薰西曰大
梁北曰安遠東北曰仁和建月城三重角樓四座敵
臺八十四警鋪八十三萬歷二十八年巡撫曾如春
增建敵樓崇貞十五年秋河決城池湮沒

皇清康熙元年巡撫張自德題請修葺并建應祀廟宇

六座守城門房共十五間二十七年巡撫閻興邦重
脩三十二年巡撫顧沅重修五十九年建滿洲城於
府城內西北隅築護城一圍斗一千丈東西南三門

城樓三座龔鼎孳記按豫爲中原奧區太行西亘嵩
室南峙其間大河汴碓諸水環相經緯美哉山河之
勝職方載之惟會城爲八郡冠冕建於四達之衝從
來已古宋藝祖嘗欲遷都關中循周漢舊軌嗣以議
論未同而寢自宋元明以還河溢時書然疏濬所加
城未大損明季壬午寇毀堤引流河遂全勢注汴城
沼民魚昔時所罕覲也當

世祖皇帝軫念中原數

命股肱重臣鎮撫斯土至則目擊城垣僉圖修復終緣時
絀未果蓋大業之未能驟興也如此丙午之夏余以
賜假過汴因雨阻之暇登臨循覽固已金甌屹若也心甚

異之爲詢其本末廼知撫軍張公締造之功爲不可
及已旣而方伯諸君請爲文以紀其事余曰公爲是
舉保我封疆之鉅圖也敢辭不文惟公受

命撫豫揆文奮武進賢退否恤民禮士戢暴禁奸一時綱
紀釐剔維新遂毅然以修復會城爲已任整我車騎
自杞還鎮謀之制府公與有同志召諸寮屬而語之
曰城之爲害者河也河未底績未易言固圉也爰躬
行河漘疏觀水勢勗河員均夫役築險要浚月河備
工料凡爲河防所關慮靡不周河始爲安瀾無恙從
而區畫城墉下令僉議約計三十餘萬一門工未畢
費及數千公奮然曰今茲之役動公帑不可也勞民

樂以八半吹簫空樹參故數軒興

一丈三尺隣一丈五尺外十二半吹簫吳應

強同園十里三十步一丈八尺風一丈四尺新彩

刺留細短前大業十步長與天則二半吹簫

陳留縣城隋大業十年建明天順二年知縣鄭璋增築周圍七里三十步高一丈八尺廣一丈四尺池深

一丈三尺濶一丈五尺成化十二年知縣吳鼎增修

崇貞八年知縣左懋泰始建磚城

順治元年知縣章成文重修

城始建未詳相傳周武王封東其公於此也

武三年知縣曹以崇修築周圍九里有奇高一丈五尺廣一丈池深一丈濶二丈宣德洪治正德嘉靖萬曆間知縣舒謨武衢曹敷王應蔡時雍姚汝雍馬應龍相繼修葺崇貞八年知縣申佳蔭築磚城

皇清康熙三十年知縣李繼烈增修

通許縣城唐始建明洪武五年知縣江允和增築周圍九里三十步高一丈八尺廣一丈三尺池深八尺濶二丈永樂成化間知縣許希道于寬相繼修葺嘉靖七年知縣胡節重修崇貞八年知縣余尚春始築

磚城遭寇燬

皇清順治三年知縣褚士昇六年姜汝松十年賈待旌相
繼補葺康熙三十一年署篆顧昌洛重修六十二年
知縣王應珮重修

〔太康縣城〕始建未詳明成化間知縣王珣增築周圍
九里三十步高三丈七尺廣二丈二尺池深二丈濶
倍之正德六年知縣郭思敬修築嘉靖元年知縣侯
泰重修崇貞八年知縣李臯始包磚城

皇清順治三年六年知縣姬令甲田大善重修康熙三十
四年知縣朴懷寶重修

〔尉氏縣城〕漢始建明宣德六年知縣李奇增築周圍

七里高二丈八尺池深一丈濶倍之成化正德嘉靖
隆慶萬歷間知縣劉紹郭鏗劉儀尹吉阮上卿相繼
修葺崇貞間知縣游建勲增置磚敵臺知縣陳可績
全建磚城遭闖賊拆毀

皇清順治三年知縣衛紹芳修築十五年知縣高桂重修
康熙二十二年知縣于國璧重修三十三年知縣王
夢翼修葺雍正六年知縣李果成修葺

涓川縣城舊在縣南一十里卽唐廢州基址也明洪
武初年知縣俞廷芳以水患遷築於此周圍九里許
高二丈四尺池深一丈濶五丈景泰元年知縣王傑
修築濬池成化十六年知縣李文增築正德嘉靖隆

慶萬歷崇貞間知縣張恭王尙質侯九臣王洛李尙志周家俊相繼重修

皇清順治五年知縣王秉燾重修康熙二十二年知縣周師望修築雍正六年知縣辛禹籍修葺

鄆陵縣城始建未詳明景泰元年知縣康健修築周圍六里九十步高一丈二尺廣一丈二尺池深一丈濶倍之成化正德嘉靖萬歷間知縣陳理龍章尹尙賢史文彬張舜典相繼修築崇貞六年知縣任中鳳始築磚城

皇清順治十五年知縣經起鵬重修康熙十五年知縣裴憲度重修二十八年知縣許承澎增修雍正七年知

縣董守祿重修

扶溝縣城西漢時建明正統間知縣韓璟修築周圍九里十三步高一丈九尺廣二丈池深二丈濶五丈二尺景泰成化正德嘉靖間知縣陳紀胡宣王廷華高經相繼修葺隆慶六年知縣黃芬玉作磚城萬歷崇貞間知縣金良範丁可取蘇顯祐先後修葺

皇清順治十三年知縣王佐修葺康熙四年知縣高錫爵重修

中牟縣城舊在縣東二里許曹操始築明天順五年知縣董敏改建周圍六里三十步高一丈五尺廣二丈池深一丈濶一丈二尺成化正德萬歷間知縣戴

王周紀李如桂陳幼學喬璧星相繼重修崇貞七年
知縣俞士鴻包磚城

皇清順治二年知縣劉泰來重修十六年知縣吳彥芳重
修康熙十一年知縣韓蓋光重修

陽武縣城西漢始建明正統十四年知縣馮祥增築
周圍九里三十步高一丈七尺廣一丈五尺池深一
丈一尺濶一丈四尺景泰天順正德嘉靖隆慶萬歷
間知縣陳永宗王佐承林王時泰顏平原魏純粹相
繼重修崇貞十二年知縣杜時階包磚城

皇清順治七年知縣姜光印重修康熙二十四年二十六
年知縣劉邦彥安如泰修葺雍正七年知縣麻居湄

重修

〔封邱縣城〕西漢時建元至正間淪於水明洪武元年再建成化元年知縣王輔重修周圍五里七十步高一丈七尺廣一丈四尺池深九尺濶一丈三尺洪治正德隆慶萬厯間知縣袁仕張守愚蔡完李呈明胡以祚趙浩重修張浩相繼修葺

皇清順治十八年知縣屠粹忠修築雍正五年知縣朱于宣重修

蘭陽縣城宋建隆三年始建明洪武元年知縣胡忠修築周圍五里高二丈七尺廣一丈五尺池深一丈二尺濶一丈五尺成化洪治正德間知縣王政徐楚

光緒十八年補

陳桂相繼修葺崇貞八年知縣張宏道包磚城十五年知縣孟凌雲重修

皇清康熙九年知縣袁漣修築雍正七年知縣繆孔昭修葺

儀封縣城始建未詳明洪武二十二年知縣于敬祖增築周圍八里六十步高一丈廣一丈四尺池深七尺濶八尺宣德成化洪治正德間知縣閻威胡澄張鳳騫張法相繼修葺嘉靖三十四年知縣田西成始修磚城崇貞八年知縣王九鼎又築修

皇清康熙二年知縣陳觀泰重修

歸德府 商邱縣附郭

歸德府城相傳微子故國漢梁孝王增築廣一十七里宋元寢廢明初改爲州設歸德衛守之洪武二十二年指揮張晟因舊基浚築洪治十五年圯於水正德間知州楊泰周冕劉信相繼建築周圍七里三百一十步高二丈廣一丈池深二丈濶五丈二尺門四東曰賓陽南曰拱陽西曰埵澤北曰拱辰建角樓四敵臺一十六警舖三十嘉靖二十五年陞州爲府而城仍舊知府王有爲陳洪範羅復相繼修葺

皇清順治初知府張若愚增修康熙二十六年知縣周宗義重修

甯陵縣城始建未詳明初廢於水成化十八年知縣